

ղածութեան և կիւրինցւոց յատուկ հնարագէտ աշխատասիրութեանց, Թոփալեան եղբարք իրենց կողմէն Կ. Պոլիսի մէջ կը հաստատէին 1870ի ատեններն իրենց երէց ու յառաջիմաց եղբայրը Գէորգ Թոփալեան մինչ միւս եղբարքն՝ Ալիքսան Գրիգոր և Քերորէ՝ երթեւեկութեամբ և Կիւրինի ու այլ մասնաձիւղերուն մէջ կը գործէին: Իր հուժկու կազմին և խուղարկու միտքին լծորդելով անդուլ աշխատութիւն մը՝ Գէորգ Թոփալեան 5-6 տարիէն առաւ առաջնակարգ զիրք Կ. Պոլիսի գնողներու հրապարակին վրայ՝ իբր յանձնակատար Փոքր Ասիայի շահատուններուն ամէն կարգի վաճառքի վրայ: Իր բովանդակ պոլսական գործերուն ինք հասնելով՝ ինք գնելով, ինք գրելով, ինք չարելով և ինք ճամբելով, քանի մը տարուան մէջ ստացաւ փորձառութիւն մը, որ իր արտակարգ ձեւներէցութեանց մէջէն գրեթէ անվնաս յառաջ բերաւ զինքն և իր ընկերակից եղբարքն առաջնակարգ վաճառական՝ ներհուն մանաւանդ մանիֆաթուրայի իբր ամէն ձիւղերուն, Որով եղբայրական համերաշխութեամբ կրրցան հաստատել տեղական մեծակակ գործեր Կ. Պոլիսի, Զմիւռնայի, Եգիպտոսի մէջ, և վերջերը մինչեւ Հնդկաստանի մէջ անդամ բացին վաճառական գործ մը ձեռամբ Ալիքսան Թոփալեանի. բանալով Մանչէսթըրի մէջ ալ հայթայթիչ տուն մը ընդարձակ:

Պողոս Աստարճեան ադրիանուպոլսեցին ալ՝ 8-10 տարի ցուցած է Կ. Պոլիսի հրապարակին վրայ Թոփալեան Գէորգի հաւասար ժիր և անդադար գործունէութիւններ՝ հաստատելով հոն ի վերջոյ ընդարձակ վաճառատուն մը, որը շարունակեցին իր եղբարքն իր վաղամեռիկ վախճանէն ետք: Ինչ մը ետքերը՝ վերոյիշեալներուն հաւասար կընթանան նաեւ Սէլեանք՝ նախ մանիֆաթուրայի ապա չուխայի առեւտուրներ: